



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

Name of School : Baptist Lui Ming Choi Primary School

学校名称 : 浸信会吕明才小学

Name of Play 剧名 : 妈妈是个航天员

Script writer 剧作者 : 黄玉仪老师

Synopsis 故事大纲 :

家乐的妈妈是航天员，工作繁重的她连学校的亲子戏剧表演也由佣人 Linda 代劳，因而家乐将不满的情绪发泄在佣人身上。一天，埋怨妈妈的家乐认识了一位体恤妈妈的网友 Adam (Linda 的儿子)，大家都渴望妈妈能留在身边。家乐透过网友介绍下，利用瞬间转移进入自己的大脑意识，去寻找快乐的幻想 — 妈妈的关爱，究竟家乐会否以瞬间转移获得快乐和关爱？



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

第一场

地点：学校礼堂

王 sir: 各位观众，你哋好，欢迎嚟到我哋浸信会吕明才小学睇我哋的校庆亲子戏剧演出，剧目系《星际奇遇记》！事不宜迟，马上欢迎我哋嘅同学仔同埋佢哋嘅妈咪、妈咪啦！

（三对亲子出场和观众挥手，其中一对是家乐和 Linda，家乐显得极不情愿。）

王 sir （扮漫步，指示家长们跟着）刚刚到太空，一切无重力，周围好多行星……左边系火星，右边系木星，航天员，你哋准备好去探险未？

众人 准备好喇！

港妈甲：（电话响起）Sorry 等等……喂，老细？report? ……听日有！王 Sir，唔好意思啊，我原来仲差份 report 未交，今日排唔到戏啦，阿囡呀，一阵 Maria 会嚟接你架喇，你哋排住先啦！（离开）

女儿 妈咪……

王 sir 吓？排排下走咗去，这样也行嘅？！Hey……唔紧要唔紧要，我哋继续！大家睇下，左边系火星，右边系木星，航天员，你哋准备好去探险未？

港妈乙 （电话响起）等等，喂，唔系咁马？急 call 开会？！王 Sir，唔好意思啊，我要赶返公司，阿仔，你一阵完左自己回家啦！（离开）

儿子 妈妈……

王 sir 喂！下！我哋未正式排戏架……唉，走晒，点表演啊？算喇算喇！休息一阵先喇！

（Linda 站在家乐旁，给老师发现）

王 sir 家乐，成班家长之中你妈咪最好，冇迟到早走，排到最后。

家乐 王 Sir，校庆嗰日千祈唔好俾佢同我上台，如果唔系我实俾全校同学笑死！

王 Sir 家乐！乜你咁同妈咪讲嘢架！

家乐 吓？佢点睇都唔似系我妈咪啦！

王 Sir 吓……咁佢系？

家乐 我工人。

Linda Hello, Sir, 我来自德成。

王 sir Hi……咁你妈咪呢？

家乐 返工。

王 sir 咁佢下个月的校庆亲子表演会唔会嚟架？

家乐 佢会架！

Linda Sorry Sir, Mum 寻日话下个月 Plan 咗要上火星，应该嚟唔到。

家乐 （惊讶）咩话？



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

王 sir 唉！明明话系亲子戏剧表演，一定要家长陪同！真系过份，啲妈咪成日早走迟到都算啦，而家竟然搵个工人姐姐嚟代替妈咪，仲要话系因为自己要上火星？佢以为自己真系航天员啊？

家乐 我妈咪冇讲大话，佢真系航天员嚟架！

王 Sir 吓？

Linda 真架！我阿 Mum 真系航天员黎架！



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

第二场 太空的梦景

地点：家乐的睡房

（家乐从被窝中走出来，手上拿着太空火箭）

家乐 火箭升空！飞吖！飞吖！我哋下一个目的地系天狼星！（自问自答）「船长，请问我哋仲有几耐先到天狼星架？」「唔...我估仲有成一光年咁耐！」「哗！咁我哋要开 turbo 先得嘞！」「点解你要咁心急去天狼星呢？」（偷笑一下）「哈哈，呢一个系秘密！」「即刻出发！」（当他再走多一圈，音乐转得梦幻）

（太空中出现很多小行星，由演员扮演，他们动作很慢，但有规律地转动）

家乐 （兴奋地）哗，哗，哗……真系到咗嘞！呢边系昴宿星嗰！呢边仲有仙女星！

（此时，家乐的妈妈着上宇宙飞行服出，和家乐挥手）

妈 家乐！

家乐 妈咪！

妈 （唱）愿我会揸火箭

妈 / 家乐 （唱）带你到天空去，在太空中两人住

妈 家乐，我好挂住你吖。

家乐 我都系呀！

妈 点呀？我唔系度，你乖唔乖先？

家乐 你唔系度，我不知几乖呀！

妈 （二人正想相拥，音乐突转）吖！系黑洞吖！！

家乐 佢吸走我架飞船呀！救命吖！（他在自转，整个星体的演员围着他们在转）

妈 家乐！保重！（妈妈被也黑洞卷走了）吖！

家乐 （大惊）妈咪！唔好走！俾返个妈咪我！！呜……（醒来）吓？！原来系发梦，好彩啫！

（Linda 进场）

Linda 家乐！你无事嘛？

家乐 我有事，你出返去啦。

Linda Oh my god ! （夸张地）



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

家乐 What 's the matter? （更夸张）

Linda 你间房乱到好似打 typhoon 咁！（执地方）

家乐 你咪搅我啲模型呀！（二人争持）

Linda 俾我帮你执啦。

（铃声响起，家乐妈在电话框中出现。）

家乐 妈咪！妈咪，我好挂住你啊，你又话上个月去完天狼星就会回家既？

妈 家乐，冇办法啦，太空总署最近好忙，妈咪宜家要由天狼星直接去火星做嘢

家乐 吓？咁我学校个亲子表演呢？你话 Linda 系代住你先，你会返嚟同我表演架啲。

妈 家乐…… 你乖，仲记不记得妈妈教你首歌啊？……（唱）愿我会揸火箭……

家乐 （唱）带你到天空去……我记得啊！

妈 到时你同 Linda 一齐表演呢首歌，一定会好精彩。

家乐 我唔要！

Linda 家乐，我会比心机练广东话，一定唔会令你被人笑架。

家乐 我有妈咪陪已经会被人笑啦！

妈 我叫咗 Daddy 到时陪你去架喇。

家乐 Daddy 成日都唔得闲。你哋个个都挂住做嘢，无人理我！

Linda 我成日都理你，系你唔俾我理。

家乐 我唔要你理啊！

妈 家乐！我同 Daddy 唔做嘢，边个赚钱返嚟养你！边有屋你住，有靚衫你着，有工人姐姐照顾你？

家乐 我先唔要 Linda 啊！

妈 你咪发少爷脾气呀吓！妈咪要去做嘢啦，你就同 Linda 一齐表演，就咁决定啦。

家乐 哼！我黐死妈咪咩！

Linda 家乐，你妈咪去咁远做嘢都好辛苦……

家乐 佢系最出色嘅航天员，但佢都系最衰嘅妈咪！

Linda 佢陪唔到你，佢都好难过架……

家乐 你好嘈啊，我知，你留你仔仔一个系印度尼西亚，你连自己仔仔都照顾唔好，我更加唔洗你照顾我啊！所有大人都系自私！你走！

（Linda 无奈地离开。）



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

第三场 我有我方法

(他的房响起叮一声，他查看电话，舞台出现几位小朋友，他们是家乐的网友。)

Adam 家乐

家乐 Adam

Adam 你今日好吗？

家乐 Adam，我好惨吖！

网友一 你做咩唔开心吖？

家乐 我妈咪要去火星，学校亲子表演，得工人姐姐同我表演，实俾同学笑死啦。

网友二 你妈咪都系想赚多啲钱，等你生活过得好啲啫。

网友三 唉！阿爸阿妈都唔知我哋想要啲咩嘅！大屋，但系我一个人住？大餐，但系得我一个人食？

家乐 系嘍！仲要我成日对住个工人姐姐！

Adam 你好幸福呀，有大屋住，有大餐食，仲有工人照顾你。

家乐 Adam，你无嘅咩？

Adam 自从我妈妈去咗香港做嘢，我就系屋企嘅工人，帮手做家务同照顾埋阿婆。

家乐 乜你妈咪喺香港做嘢架？

Adam 系啊，佢要两年后先返嚟。

众网友 吓？两年？

Adam 我妈妈系工人，佢要照顾人地家庭嘅小朋友，好辛苦，不过佢努力赚钱，我先有钱读书，有钱买书包同校服，所以我好多谢妈妈。

家乐 做工人真系几辛苦嘅……你咁细个就要自己照顾自己，真系惨啊……

Adam 我唔惨！我系印度尼西亚呢度有阿公阿婆同我一齐，周围都系朋友，但妈妈就唔同，佢系香港要住陌生人屋企，又有朋友，有唔开心、唔舒服都要一个人面对……

家乐 (自言自语) Adam 都讲得啱，离开屋企出去做嘢嘅妈咪真系好惨……

Adam 唉……原本佢话下个月打算请假返嚟见我，但……好似佢照顾嗰位小朋友最近唔开心，佢话要比心机同佢练习咩表演……啊……校庆亲子表演，所以唔返嚟住。



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

家乐 (突然想起) 校庆亲子表演? 我学校?Adam, 你妈咪叫咩名啊?

Adam Linda。

(家乐十分惊讶, Linda 从另一边出。)

Linda (拿着剧本在练习, 在扮月球漫步) 愿「饿...」...我.....会揸火.....箭, 带.....你到.....天空.....去.....唉, 广东话真系好难..... (坐下, 放下剧本, 拿起相框) 唉, 乖仔 Adam, 妈妈好挂住你啊

家乐 Linda.....

网友一 见你地都咁惨, 等我帮下你地啦! 你地有无听过瞬间转移嘅能力。

家乐 瞬间转移?

网友二 我都有听讲过啊! 即系无论你身处边度, 都可以即刻转移去另一个地方, 上太空都得!

网友三 但听讲呢个方法好危险架啲!

网友一 嘩! 你发掘到呢种超能力先讲啦!

网友二 系呀! 大脑系混沌嘅意识时空, 好多入咗去嘅人都出唔返嚟!

家乐 太好啦, 我要试!

网友三 吓, 家乐, 好可能出唔返现实世界, 咁危险你仲去?

家乐 系! 既然妈咪系咁远做嘢咁辛苦, 等我去见妈咪, 仲有, Adam, 我要你带你妈咪返去印度尼西亚见你!

Adam 家乐.....

网友一 好! 等我益下你! 呢个网站最安全, 你 Download 咗呢条 Link 之后就可以进入自己大脑。



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

第四场 告白

地点：家中

(Linda 十分害怕的在房中走来走去)

Linda 弊嘞，弊嘞！点算！

妈 Linda，做咩事呀？太空总署好忙，你叫我赶番黎做乜呀！

Linda Mum……家乐唔知做咩……佢几日无郁过……叫佢又唔醒……

妈 (上前检查，看到计算机) 进入大脑程序？吓？佢将自己带咗入自己大脑？

Linda 咁点解会唔郁架？

妈 大脑系一个好复杂嘅系统，有个混沌嘅意识时空，好易令人迷失，困住系入面出唔返嚟

Linda 家乐一定系困住咗系入面！

妈 (揸计算机) 佢 set 咗 password ，要有 password 就可以入去佢个世界度搵佢。
(妈妈试 password)

V.O. 密码错误！如果忘记密码，可以回答三条安全码问题。第一条，家乐最喜爱的食物？

妈 意粉？

V.O. 错

Linda 鸡翼！（音效 bingo）

V.O. 第二条家乐最想做嘅事？

妈 打机！

V.O. 错

Linda 去太空。（音效 bingo）

V.O. 最后一题，家乐最喜爱嘅人物？

妈 ……巴斯光年！

V.O. 错！

Linda Mum！（中奖声）

妈 原来我一啲都唔了解家乐，你，比我更了解我个仔……



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

Linda 我成日都同家乐一齐嘛。我都好少见自己个仔，连佢钟意做咩都唔系好知……

妈 Linda，多谢你花咁多时间俾家乐……今次我要为家乐做返少少嘢，等我入去啦，你喺度等我。

Linda Yes, Mum…

V.O. 现在可以进入家乐嘅大脑。大脑开启！

妈 家乐!!（四处寻找）

意识 欢迎进入家乐的大脑，呢度系意识时空，充满家乐嘅真实同幻想片段。

妈 你系边个？

意识 我系意识管理员，制造回忆同幻想，控制家乐嘅意识。

妈 就系你令家乐出唔到嚟？

意识 系佢自愿留系到！

妈 点会，家乐点会想留系呢个咁混乱嘅地方？

意识 呢度有佢实现唔到嘅快乐片段，佢留系度比系现实更开心。

（虚拟世界的家乐和妈妈由另一演员扮演，音乐入）

虚家乐 1 妈咪，天上面个月亮好靚呀！你可唔可以摘佢俾我啊！

虚妈 1 好高喎！

虚家乐 1 你系航天员嚟架嘛。你坐火箭咪得嘍。

虚妈 1 但系好远喎，妈咪要去好耐先会返！

虚家乐 1 咁算啦，我唔要月亮啦，妈咪唔好走！

虚妈 1 虽然有月亮，（从身后拿出星星）但系妈咪已经摘咗粒星星俾你。系你最钟意嘅天狼星！

虚家乐 1: 哗！多谢妈咪。

（二人相拥，定格）

（虚妈 2 和虚家乐 2 出）

虚家乐 2 妈咪，我今次作文有一百分呀！

虚妈 2 咁叻仔。老师叫你作咩题目嚟架？

虚家乐 2 题目系我的母亲！

虚妈 2 咁读俾妈咪听啦。（家乐一边行，一边读）

虚家乐 2 （兴奋地）妈妈是个超人，常常在天空飞来飞去，维持宇宙太平，每当我望上天空，闪呀闪的星星，就是妈妈对着我微笑的讯号……



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

虚妈 2 家乐，你先系我星星，一直照耀我！

(二人定格)

(家乐出)

家乐 妈咪、妈咪！

妈 家乐！

(家乐没有反应，意识拉住了妈，不让她靠近家乐。)

家乐 (找着虚妈 1) 妈咪，校庆表演我好紧张啊，

虚妈 1 唔洗担心，家乐！

家乐 个个同学都好叻

虚妈 1 你都一样好叻啊。

家乐 但系……我仲系好惊…… (虚妈 1 突然静止)

虚妈 2 (找着虚妈 2) 你放心，妈咪嗰日同你一齐上台表演！

家乐 真嘅？！

虚妈 2 仲有 Daddy 同 Linda，都会一齐嚟睇我哋表演。

家乐 有妈咪陪住我上台，我就咩都唔惊啦！

(家乐露出灿烂的笑容，虚妈 2 突然静止，家乐感到彷徨。)

妈 (想哭) 我嘅家乐，妈咪冇好好陪系你身边……对不起……

意识 你睇佢几开心，既然现实入面你唔可以带到快乐俾佢，你唔好逼佢返出去啦！

妈 唔得！只要带到家乐出去，我一定会好好陪佢！

(众演员出来，他们拿出黑布，扮演黑洞的漩涡在转)

妈 咩事啊？

意识 黑洞风暴啊！你每一次飞上空，家乐都好担心你被黑洞吸走。所以系佢意识入面成日都会出现呢个黑洞。

(虚妈 1、2、虚家乐 1、2、家乐四处逃走，最后被卷走)

妈 (唱) 愿我会揸火箭，带你到天空去，在太空中两人住，活到一千岁 都一般心醉，有你在身边多乐趣。

家乐 (凝望着妈) 妈咪？

家乐 (悠悠转醒) 妈咪？我成功啦？我成功搵到瞬间转移嘅能力，去到太空，见到你啦！

妈 家乐，原来你系想有瞬间转移能力先会入嚟，呢度唔系太空，你仲系大脑入面。



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

- 家乐 下……我又系发梦？
- 妈 都唔系，系妈咪挂住你，嚟搵你啊。
- 家乐 真嘅？…… 咁见到你，我都算成功咗（开心，但忽然想起 Adam）但……有瞬间转移，我咪唔可以带 Linda 去见 Adam……
- 妈 （一笑）放心啦，妈咪出钱，买机票等佢地见面。
- 家乐 妈咪……
- 妈 妈咪仲会请假，校庆嗰日同你一齐表演。
- 家乐 妈咪，多谢你啊！



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

第五场 团聚

（王 sir 带领着一对对亲子出来，扮演在星际漫步，还有 Linda 和 Adam。）

王 Sir 各位家长，我哋宜家幻想吓自己系太空漫步。

Linda Adam，太空……巧巧巧巧令！

Adam 巧多星星！

家乐 妈咪，太空系咪咁样架？

妈 呢度比太空靚，因为太空少左一粒最大嘅星星

家乐 系天狼星？

妈 唔系，系你，你先系妈妈最闪亮嘅星星！

（音乐渐大）

全剧完